

Na osnovu člana 59. (stav1) tačka d) Zakona o visokom obrazovanju TK ("Sl.novine TK broj: 8/08, 11/09 i 12/09"), člana 75. stav (1) tačka 2), člana 265. stav (2) i (3) Statuta Univerziteta u Tuzli i člana 75. Pravilnika o radu Univerziteta, Senat Univerziteta u Tuzli na sjednici održanoj 16.09.2010. godine, donio je

Pravilnik o regulisanju angažovanja nastavnika i saradnika Univerziteta u Tuzli na drugoj visokoškolskoj ustanovi

Član 1.

Ovim Pravilnikom uređuju se uslovi međusobne razmjene akademskog osoblja Univerziteta u Tuzli za rad na drugim visokoškolskim ustanovama, te postupak davanja saglasnosti za takav angažman.

Druga visokoškolska ustanova u smislu ovog Pravilnika je svaka visokoškolska ustanova u zemlji i inostranstvu.

Član 2.

Radi zabrane takmičenja zaposlenika sa Univerzitetom, zaposlenik se može angažovati izvan Univerziteta samo uz prethodno odobrenje Senata Univerziteta, u skladu sa ovim Pravilnikom.

Takmičenje zaposlenika sa Univerzitetom nastaje ako se zaposlenik angažuje na konkurentskoj visokoškolskoj ustanovi.

Visokoškolska ustanova je konkurentska ako realizuje akreditovani studijski program kojim se stiče zvanje koje se može steći na studijskom programu koji se realizuje na fakultetima/Akademiji Univerziteta.

Član 3.

Zahtjev za davanje saglasnosti za angažman u drugoj visokoškolskoj ustanovi podnosi zaposlenik Naučno-nastavnom/Umjetničko-nastavnom vijeću fakulteta/Akademije radi pribavljanja prethodnog mišljenja.

Zaposlenik podnosi zahtjev Senatu Univerziteta prije početka nastave u semestru, uz koji prilaže mišljenje Naučno-nastavnog/Umjetničko-nastavnog vijeća iz prethodnog stava, te zahtjev druge visokoškolske ustanove kojom se iskazuje potreba za njegovim/njenim angažmanom.

Član 4.

Zaposlenik koji nije pribavio saglasnost u smislu člana 3. ovog Pravilnika, ne može, u svoje ime i za svoj račun, kao ni za račun druge visokoškolske ustanove, učestvovati u izvođenju nastave na drugoj visokoškolskoj ustanovi u toku radnog vremena na Univerzitetu, niti u dane sedmičnog odmora.

Član 5.

Ako zaposlenik postupi suprotno prethodnom članu ovog Pravilnika čini, svojom krivicom, u smislu Pravilnika o radu, težu povredu radne obaveze.

Član 6.

Univerzitet vodi jedinstvenu evidenciju o radu nastavnika u skladu s ovim Pravilnikom.

Član 7.

Zaposlenici koji su dodatno angažovani u nastavi na Univerzitetu, u skladu s Odlukom Senata o dodatnom angažovanju u izvođenju nastave, koja se donosi za svaku akademsku godinu, (3 sata sedmično, u prosjeku na godišnjem nivou), ne mogu dobiti saglasnost za angažovanje na drugoj visokoškolskoj ustanovi, osim ako je to u interesu Univerziteta, shodno zaključenom ugovoru o međusobnoj saradnji.

Član 8.

Pravilnik stupa na snagu narednog dana od dana objavljivanja na oglasnoj ploči i WEB stranici Univerziteta u Tuzli, a primjenjivat će se od početka akademske 2010/11. godine.

UNIVERZITET U TUZLI
S E N A T
Broj: 03-7241-2.3/10
Tuzla, 16.09.2010. godine

PREDSJEDNIK SENATA

Prof.dr.sc. Enver Halilović

Obradila:

Mirsada Delić, dipl.pravnik